



Comuni de Aristanis  
Assessorau a su Sport e Politicas Giovanilis

# **Regulamentu Generali po su funtzionamentu de su Tzentru de Agregatzioni Giovanili “Spàtziu Giòvanus”**

**Aprovau cun Delibera C.C. n. 64 de su 15.06.2016**

- Art. 1. Ogetu de su Regulamentu
- Art. 2. Normas generalis de funtzionamentu
- Art. 3. Normas generalis de cundota
- Art. 4. Normas po s'impreu de salas, spàtzius e ainas logradas in cuncessioni.
- Art. 5. Bortas de impreu
- Art. 6. Maneras e su chi ddui est in sa rechesta de is servìtzios in cuncessioni
- Art. 7. Tarifas e cautzionis
- Art. 8. Esentzionis e agevolamentus
- Art. 9. Normas de seguresa
- Art. 10. Bortas chi su regulamentu non ponit in contu
- Art. 11. Rèvoca de sa cuncessioni
- Art. 12. Intrada in vigori



**Art. 1**

***Ogetu de su Regulamentu***

Custu Regulamentu disciplinat su funtzionamentu e sa manera de fruniri is servìtzios de su Tzentru de Agregatzioni Giovanili de Aristanis chi ddi narant "Spazio Giovani", (de immui in antis "Tzentru").

**Art. 2**

***Normas generalis de funtzionamentu***

S'amtint in su Tzentru, fata chi siat s'iscritzioni, totu is tzitadinus, cun residèntzia o no, intra de is 11 e is 35 annus de edadi.

- a) Candu ddui at impitadoris in su Tzentru tocat de ddu atestai fadendi-ddis poni sa firma in su registru giornalieru de is chi ddui funt.
- b) A frequentai su Tzentru e a fai is atividadis is impitadoris ddu depint fai respetendi sa paxi e su privau de totu is àterus chi ddui funt.
- c) Is oràrius e is diis de abertura a su pùblicu ddus stabilint impari fadendi sa programmatzioni a s'annu su Comuni e su Gestori. Acontessendi mudaduras s'ant a fai connosci impressi a is impitadoris.
- d) S'impreu de is salas, de is spàtzius e de is ainas foras de s'oràriu de abertura ordinària de su Tzentru ddas at a depi autorizai su Gestori.
- e) Is impitadoris depint respetai s'oràriu de inghitzu e de acabbu de is fainas. Custu ùrtimu est fissau in 30 minutus in antis de s'ora de serrai.
- f) No fait a atacai cartellus, stendartus, locandinas o àteru, sena de autorizatzioni.
- g) Me in is salas in su pranu de susu non fait a papai e a bufai sena de autorizatzioni.
- h) Candu ddui at àliga si depit ammuntonai e spartziri me in is stèrgius aposta.
- i) Me in is spàtzius a foras de su Tzentru e aintru de sa struttura non si podint bufai arcòlicus. Si podint cuncedi dèrogas respetendi sa normativa in vigori, candu si faint eventus e manifestatzioni.
- j) Su gestori e is collaboradoris non funt responsàbilis de su stramancamentu, dannu o fura de is benis, de propiedadi de is impitadoris.
- k) Su gestori tenit s'òbrigu de nci bogai is chi non respetant custu regulamentu.
- l) Is rechestas de is spàtzius po cuncordai manifestatzioni, atòbius, festas, àterus eventus, chi depint poni in menti a is leis chi disciplinant is spetàculus pùblicus, depint arribai a su Tzentru assumancu 30 diis in antis de fai s'eventu.
- m) Is rechestas po impreai is spàtzius, po cuncordai eventus, chi non depint poni in menti a leis chi disciplinant is atividadis de spetàculu pùblicu, si depit fai assumancu 24 oras in antis de ddas fai.
- n) Totu is autorizatzioni si cuncedint andendi de acòrdiu cun is fainas giai programmadas.



## Comuni de Aristanis

Assessorau a su Sport e Politicas Giovanilis

### Art. 3

#### Normas generalis de cundota

- a) Is impitadoris depit fai un'usu respetosu de is benis e de is spàtzius chi impreant, in modu de ndi tutelai e allogai su balori.
- b) Ònnia cosa chi non funtzionat beni chi si biit in sa struttura o me in is ainas de su tzentru tocat de ddu fai sciri impressi a su gestori.
- c) S'impitadori depit a marolla poni in menti a non fumai (lei N°3 - 16 de Gennàrgiu de su 2003 - Art 51). Custa proibbidura si pigat in analogia cun su chi ponit in contu s' Art. 4 de su DL 104/2013 cunvertiu cun L.128/2013, chi narat ca non si podit fumai finas me in logu abertu chi pertocat is istitutzionis de su Sistema educativu de istrutzioni e de formatzioni. A is infratzionis de sa proibbidura de s'artìculu arremonau si àpricant is santzionis chi funt in s'art. 7 de sa lei 11 de su mesi de onniasanti de su 1975, n. 584, aici comenti ddu at rempratzau s'art 52, comma 20, de sa lei 28 de su mesi de idas de su 2001, n. 448;
- d) S'impitadori, candu fait rechesta formali po impreai is salas, spàtzius e ainas, decrarat de connosci custu regulamentu e de si pigai totu sa responsabilidadi de su respetu non fatu e de torrai is spàtzius e is ainas impreadas me in su pròpiu istadu de candu si ddas ant donadas; a garantzia s'at a podi poni in contu unu pagamentu de depòsitu cauzionali.
- e) Su destinatàriu de s'autorizatzioni s'at a podi tzerriai a torrai rifata a su Comunu po ònnia pregiuditziu chi podit acontessi a genti e cosas donadas in usu e po dannus a s'imàgini de s'enti po nexi de cundotas chi non dexint.

### Art. 4

#### Normas po s'impreu de salas, spàtzius e ainas logradas in cuncessioni.

Non podit intrai a is salas e a is spàtzius unu nùmeru de genti prus artu de cussu chi narant is normas de seguresa.

- a) In occasioni de cuncordaduras de eventus e/o manifestatzionis su cuncessionàriu s'at a depi incurai de totu su chi pertocat sa seguresa, cunforma a su nùmeru de is chi ddui funt, de is limpiaduras e de su smartimentu fatu beni de s'àliga.

### Art.5

#### Bortas de impreu

- a) S'impreu de is salas, spàtzius e ainas est a primori reservau a rechestas de iniciativas chi su Comuni concordat e patrocinat, in acòrdiu cun is fainas chi giai ddui funt in su pianu de programmatzioni a s'annu.
- b) S'usu de is salas, spàtzius e ainas de su Tzentru non si podit cuncedi po punnas politicas, religiosas o ideològicas. A su matessi si donant in cuncessioni feti po is punnas chi ddui funt me in is lineas ghia in su progetu de su Tzentru.

### Art.6

#### Maneras e su chi ddui est in sa rechesta de is servitzius in cuncessioni.

- a) Sa rechesta po fai totu is iniciativas chi funt in s'art. 2, comma l) e comma m), si depint mandai a posta eletrònica impreendi su mòdulu apostu, stèrriu in modu de si cumprèndi beni. Cantu acontessit su chi ddui est in s'art. 2.l), s'autorizatzioni chi pertocat si depit comunicai sena de sartai is binti diis in antis de s'eventu in programma, segundu a sa manera inditada ananti.



## Comuni de Aristanis

Assessorau a su Sport e Politicas Giovanilis

- b) Non s'ant a podi acetai prus de duas dimandas de una personi etotu, po s'usu fatu impari de salas, spàtziu e ainas.
- c) S'istrutoria de is rechestas est donada a su gestori.
- d) Is istàntzias de cuncessioni s'ant a acumentai s'ghendi feti s'òrdini cronològicu tenendi contu de sa data de intregu de sa dimanda, de cantu est cunforma a is normas postas in contu de custu regalamentu e de sa natura e ogetu de sa rechesta, chi depit andai paris cun is linias ghia chi ddui funt in su progetu de su Tzentru.
- e) Is autorizatzionis chi pertocant a is organismus de cumpetèntzia, po fai is manifestatzionis chi depint poni in menti a sa disciplina in matèria de spetàculu pùblicu, depint arribai po cumpretai sa rechesta aintru de seti diis de traballu de sa data chi si fait sa manifestatzioni.

### Art.7

#### Tarifas e cautzionis

- a) Po sa cuncessioni de usu de salas, spàtziu e ainas, serbit unu pagamentu de unu contributu po is consumus de currenti elètrica, àcua e po su servìtziu de limpiadura. In prus serbit, unu depòsitu cautzionali, chi tocat a pagai candu si donat s'autorizzazioni.
- b) Su tanti de su contributu e de su depòsitu cautzionali s'ant a stabiliri cun àutu aposta de sa Giunta Comunali.
- c) Su svìnculu de su depòsitu cautzionali s'at a fai fatu chi apat su nulla osta su gestori apustis ai apurau s'istadu de is localis e de is ainas, me in su tèrmini de 30 diis de traballu, passaus de sa data de acabbu de s'usu.

### Art. 8

#### Esentzionis e agevolamentus

- a) Funt esentaus de pagai su contributu:
  - a. Is iniziativa chi concordat inderetura su Comuni;
  - b. Is iniciativas chi concordat su Gestori in s'àmbitu de su progetu de gestioni.

### Art. 9 Normas de seguresa

- a) Chincoi pedit s'usu de salas, spàtziu e ainas depit castiai is mesuras de seguresa chi tocat a pigai acontessendi fogu e/o apretu e de poni in pràtica is istrutzionis inditadas in su pianu de sfollamentu.
- b) A s'ora de is atividadis is impitadoris depint poni in menti, pena su de abbarrai a foras, is caudelas in contu de sarvaguàrdia de sa saludi e seguresa personali e pùblica.
- c) Non si podit ammuntonai materiali chi strobbat, imballàgius e àliga me in is localis acanta a sa sala e me in is servìtzius igiènicus e in mesu a totu ananti de is bessidas de seguresa.



## Comuni de Aristanis

Assessorau a su Sport e Politicas Giovanilis

- d) Is impitadoris depint castiai totu is proceduras chi tocat a pigai acontessendi fogu e/o apretu po libertai is localis in seguresa.

### Art. 10

#### Bortas chi su Regulamentu non ponit in contu

Po totu cussu chi no est postu a craru in custu regulamentu, s'apricant:

- a) Su còdixi tzivili.
- b) Su D.Lgs. 18 de austu de su 2000 n. 267, cun "Testu ùnicu de is leis asuba de s'ordinamentu de is entis localis".
- c) Su D.Lgs. 30/3/2001 n.165, cun "normeas generalis asuba de s'ordinamentu de su traballu a is dipendèntzias de is amministratzionis pùblicas".
- d) Su "Regulamentu comunali asuba de s'ordinamentu generali de is ufitzius e de is servìtzius" in vigori.
- e) Is cuntratus colletivus natzionalis de traballu po su cumpartu regionis-autonomias localis, in vigori;
- f) Su Statutu Comunale;
- g) Su còdixi de cumportamentu de is dipendentis pùblicos DPR. 62/2013.

### Art.11

#### Rèvoa de sa cuncessioni

- a) Po apretu arribau totu in una borta, sena dde ddu ai postu in contu e chi non fait a trantziri, de s'enti gestori, motivau comentu si depit, sa cuncessioni de usu de salas, spàtzius e ainas si podit revocai sèmpiri. Candu est aici custu ndi bogat s'enti gestori de totu is òbrigus de arrembursai a su cuncessionàriu cali si siat spesa chi at aguantau o postu a càrrigu, est a nai de pagai ònnia risarcimentu de dannus candu ddui funt.
- b) Sa cuncessioni si podit revocai po no ai postu in menti a is tèrminis e cunditzionis chi ddui funt in su regulamentu.

### Art.12

#### Intrada in vigori

Custu regulamentu est parti chi cumpretat su Pianu de Coordinamentu de su Spàtziu Giòvanus e intrat in vigori sa dii infatu a sa data de esecutividadadi de sa delibera de aprovamentu.



**Comuni de Aristanis**  
Assessorau a su Sport e Politicas Giovanilis

MCP